

佛說菩薩內習六波羅蜜經

景

後漢臨淮沙門嚴佛調譯

佛言欲學菩薩道者當從此始一數二隨三止四觀五還六淨佛言一數為檀波羅蜜數息者神得上天為布施身中神自致得須臾恒斯陀舍阿都舍阿羅漢辟支佛得作佛是為內檀波羅蜜為布施得度

佛言二相隨為尸波羅蜜意與心相隨俱出入不邪念意不轉為不犯道禁是為內尸波羅蜜為不犯道禁得度佛言三止為羂提波羅蜜意欲婬怒瞋恚能忍不為口欲甘肥美味身欲得細滑自制意能忍不受是為內羂提波羅蜜為忍辱得度佛言四明觀為惟逮波羅蜜內觀三身體外觀万物皆當壞敗無有常存不復貪心向道念無為常分別不懈怠是為內惟逮波羅蜜為精進得度

佛言五還為禪波羅蜜斷六入還五陰何謂六入色入眼為衰聲入耳為衰香入鼻為衰味入口為衰細滑入

身為衰多念令心衰是為六入亦為六衰亦為五陰何謂五陰色陰痛痒陰思想陰生殊陰識陰是為五陰還身守淨斷求念空是為內禪波羅蜜而守一得度

佛言六淨為般若波羅蜜知人万物皆當消滅意不淨向生死愛欲斷心淨潔智慧成就是為內摩訶般若波羅蜜從點慧得度問曰何等為檀何等為尸何等為羂提何等為惟逮何等為禪何等為般若何等為波羅蜜佛言檀為布施尸為持戒羂提為忍辱惟逮為精進禪為棄惡般若為點慧波羅蜜為從生死得度蜜為無極是為六波羅蜜

問曰何以故正有六波羅蜜

佛言用人有婬怒瞋恚愚癡故行布施為除惡貪持戒為除婬怒忍辱為除瞋恚精進為除懈怠一心為除亂意智慧為除愚癡用欲去六事故作是六波羅蜜

佛言人有六匿賊盜斷惡故作檀波羅蜜主制身尸波羅蜜主制眼羂提

菩薩內習經 第三張 景

波羅蜜主制耳惟逮波羅蜜主制鼻禪波羅蜜主制口般若波羅蜜主制意問曰何以故身應檀波羅蜜佛言人索頭與頭索眼與眼索肉與肉投身餓虎是為布施故屬檀波羅蜜

問曰何以故眼應尸波羅蜜佛言眼不隨色意不亂念是為持戒故屬尸波羅蜜

問曰何以故耳應羂提波羅蜜佛言耳聞惡聲不瞋恚是為忍辱故屬羂提波羅蜜

問曰何以故鼻應惟逮波羅蜜佛言鼻知息出入常守不離是為精進故屬惟逮波羅蜜

問曰何以故口應禪波羅蜜佛言口不罵詈不兩舌不妄言不綺語是為寂然故屬禪波羅蜜

問曰何以故意應般若波羅蜜佛語阿難汝曹為道常當曉了知定諸垢濁穢清淨自然不起不滅志斷諸根諸根斷已不得復生為道者當發平等廣度一切施立法橋當令一

菩薩內習經 第三張 景

切得入法門廣作唱導无端无底無形无聲無邊无際無上无下立教當施本無之中持法當使如來求道當在於心心意不正道亦不生立行當於本無之中垢濁以除内外清淨從淨見明以致自然已現是空之淨淨而復淨空而復空空無所有是乃為道道之本無无所倚著上无所攀下無所據左無所牽右无所持自然而立清淨為本空空之空故曰泥洹於有而無所有故為有於無而不无是為无於得而无所得是為得也

第一發意菩薩 第二持地菩薩
第三應行菩薩 第四生貴菩薩
第五修成菩薩 第六行登菩薩
第七不退轉菩薩 第八章真菩薩
第九了生菩薩 第十補處菩薩

佛說菩薩內習六波羅蜜經

壬寅歲高麗國大藏都監奉
勅雕造

菩薩內習經 第四張 景

佛說菩薩內習六波羅蜜經
校勘記

- 一 底本，麗藏本。
- 一 三三五頁上二行「臨淮」，磧、晉、南、徑、清無。
- 一 三三五頁上三行第一二字「始」，磧、晉、南、徑、清作「始謂」。
- 一 三三五頁上四行第四字「止」，晉作「上」。
- 一 三三五頁中一〇行第一〇字「為」，徑無。
- 一 三三五頁中一一行首字「為」，磧、晉、南、徑、清無。
- 一 三三五頁中一七行第三字「用」，磧、晉、南、徑、清作「若」。
- 一 三三五頁下一九行第五字「故」，徑作「故曰」。